

أقرأ التفسير ولا أفهم - مع السر الأول حتفهم - شرح كتاب المراحل الثمان لطالب فهم القرآن (-علاء حامد

علاء حامد

الحمد لله واشهد ان لا اله الا الله وحده لا شريك له واشهد ان محمد محمدا عبده ورسوله صلى الله عليه وسلم. اما بعد درس دوت هو

آ درس الثالث - 00:00:00

في اه دراسة كتاب المراحل الثمان لطالب فهم القرآن. واحنا اتفقنا الكتاب دوت كتاب اه راقي جدا قيم جدا للشيخ اه الدكتور عصام العويد احنا خدنا دي في درسين قبل كده فيه واللي متابعتي على النت هتلاقيني حاطط الرابط بتاع الدروس - 00:00:20 في الكومنتات او او ممكن يطلع لك لينك فيه رابط الدروس ديت. الدرس الاول كان اسمه الاسرار الثمانية. لفهم القرآن واتكلمنا في مقدمة الكتاب هو تناول الكتاب هيتكلم في ايه؟ وهي المراحل الثمانية اللي لو انسان مسكهم يقدر بسهولة جدا - 00:00:44 يفهم التفسير ويستوعب تفسير السلف يكون عنده ادوات للقراءة ببساطة في كتب التفسير. المرة الثانية اتكلمنا في اول مرحلة

سمينا الدرس السري الاول. السر الاول افهم زيه. افهم زيه ما هو السر الاول فعلا وهو التمسك - 00:01:04

الاثار التي وردت عن النبي عليه الصلاة والسلام الصحابة والتابعين فيفهم التفسير حتى لا يضل الانسان ولا يعني يلتبس عليه التفسير لازم قبل ما تخش ودي تقرا او او تفهم تحاول تفهم القرآن الاول. تحاول تحيط بما قاله السلف في الاية عشان ما تشزش. وده اتكلمنا

عنه - 00:01:24

كثير وضربنا امسلة ازاي ممكن الانسان لو دخل مع نفسه كده من غير ما يضبط كلامه بكلام السلف ممكن يقع في اخطاء كارثية. تمام؟ فكان المرحلة الاولى هي ايه الايه؟ الوقوف زي ما سماه هنا الوقوف على الاثار الواردة عن رسول الله صلى الله عليه وسلم ثم

الصحابة - 00:01:44

وائمة التابعين في الايات. واحنا قلنا هدفنا من السلسلة ديت ان احنا نتمكن من آ قراءة التفسير بسهولة وتقدر انك انت تستوعب ايه اللي انت بتقراه دوت؟ وليه المفسر هنا اورد الاقوال ديت؟ وهل الاقوال ديت يعني - 00:02:04

ايه ايه كل الكلام اللي انا بقراه دوت؟ يعني ايه عقل الكريمة وقيل الضحاك؟ وقال الحسن وقال قتادة ايه الكلام ده كله؟ طب ما تفسره لنا ببساطة كده وخلاص ايه اللي انتم بتقولوه دوت؟ وليه هنا ابن كسير علق وهنا ليه ما علقش؟ ولقينا هنتكلم النهاردة في حاجات مهمة جدا. خليك اه يعني - 00:02:24

يعني فعلا تقول وانا كنت هقرا التفسير ازاي من غير ما افهم الاية؟ من غير ما افهم الكلام دوت. وهتلاقي الدنيا سهلة يعني. هتقدر تترقى بعد ما كنت مسلا يا دوبك ايه؟ بتخاف من تفسير - 00:02:44

ابن كسير تخاف تقرا التباسير الكبيرة دي هتلاقي الموضوع ان شاء الله سهل وميسر عليك. هتقدر تعدي المرحلة الاولانية اللي هي دائما بنقرا فيها التفسير الميسر مسلا او تفسير الساعة دي او تفسير ايسر التفاسير لا هتلاقي نفسك كده تعدي. بل هترجع كمان تفهم

المرحلة الاولى ديت. ان احيانا اللي بيختصر لك التفسير هو اختصر - 00:02:54

وصارت فهمه للكتب الكبيرة. فانت مش فاهم روعة العبارة اللي اتقالت ديت. يعني انت مسلا في ناس يقول لك ايه؟ تفسير الجلالين ده اللي هو شايف تفسير صغير اوي بيقول لك ده تفسير رهيب جدا. يعني خطير تفسير السعدي تفسير رهيب جدا. لكن ما يفهمش

كده ايه - 00:03:14

الا اللي يخش في الكتب الكبيرة ويشوف مسلا الكلام الكثير قوي قوي قوي اللي بيتقرا دوت ازاى قدر المفسر دوت يروح جامع لك كل الكلام ده في عبارة كده انت مش واخد بالك انت خدتها كده ايه على الجاهز. ما تعرفش هي التعب فيه قد ايه. فتعرف قيمة التفسير اللي انت بتقول ايه؟ ده تفسير ده للمبتدئين السعدي ده - [00:03:34](#)

هات لنا حاجة كبيرة. ده انت تبقى بطل لو قدرت تستوعب الايه؟ العبارات البديعة اللي الامام السعدي بيزكرها في الايه؟ في التفسير. ما يدركش قيمة تفسير الساعة دي الا اللي ايه؟ اللي احاط بتفسير زي تفسير ابن كثير. تمام؟ احنا بقى نخليك عندك امكانية انك انت تعرف تفسير الكبير. وكم ان لما تعرف - [00:03:54](#)

التفسير المبسط او التفسير المختصر او اللي هو بيزكر لك عبارة واحدة كده من غير ما يقول لك اسانيد عن عكرمة وعن قتادة والكلام ده تقدر تعرف قيمة ديت ازاى التعب فيها عشان العبارة دي تيجي لك سهلة كده بسيطة. الفكرة احيانا الاختصار اصعب. ان انا اقعد اسردلك الاقوال ممكن يكون اسهل لكن انا - [00:04:14](#)

في جملة واحدة ده من اصعب هنشوف مسال على على جملة رشيقة جدا هيقلوها ابن كسير يجمع فيها اقوال كثيرة جدا. بس نصبر مع بعض لازم نصبر علشان نكمل يا جماعة. يعني ليه احنا هنحاول نخلص السلسلة دي زي ما قلنا في حوالي مسلا نقول عشر دروس مسلا ده مناسب جدا. بس عايزة صبر. ما حدش يزهدق - [00:04:34](#)

ونتابع السلسلة من الاول ونستنى الدرس ينزل مرة ورا الثانية. صدقني هتفرق معك كتير جدا جدا. وهتحس فعلا فرق كبير كبير في علاقتك مع القرآن. ما احنا كل ده مش عشان نفهم التفسير وخلص. عشان نتلذذ بالقرآن. وعشان انت لما تيجي تسمع عن التدبر والاستنباط ولازم وبتاع تعرف - [00:04:54](#)

ايه الادوات اللي الناس شغالة بها؟ انت هتستمتع بالقرآن اصلا. هتستمتع بدرس التفسير. اول مرة هتفهم الشيخ بيقول ايه؟ هتستمتع وانت بتقرأ اي كتاب تفسير. فلما انت تتدبر مسلا ناس يقول لك اقرا في التفاسير. عمرك ما هتحس بقيمة التفاسير دي الا لو انت فهمت هي الكلام ده جه منين. تمام؟ طيب احنا المرة اللي فاتت كان لنا في اتكلم في حاجات كتير - [00:05:14](#)

اتكلما اول حاجة التفسير النبوي وانواع تفسير النبي عليه الصلاة والسلام للقرآن ان هو بيفسر احيانا بقوله صح؟ وبيفسر بفعله وبيفسر بتقريره وايه؟ واخلاقه وسلوكه معاملاته كل حياته عليه الصلاة والسلام كالتفسير للقرآن. وما يعني لم يفسره الصحابة تركه لسليقتهم. وفهمهم السليم - [00:05:34](#)

للغة. لان القرآن في النهاية هو نص عربي. والعرب هم اعلم الناس بهذه الايه؟ هذه اللغة. فممكن يتركهم لفهمهم مسل العادي لان الموضوع ما فيهوش مشكلة او ما فيهوش اشكال - [00:05:57](#)

ليه؟ عشان تحتاج الى ايه؟ الى بيان. فلذلك انتقلنا الى الى بعد كده الى فهم الصحابة وتفسير الصحابة. كذا كذا سبب قلنا ان هم دول تلاميز النبي عليه الصلاة والسلام - [00:06:07](#)

خدوا منه التفسير كله وشافوا حياته عصروا الوحي وعاصروا التنزيل. وربنا زكاهم وزكى علمهم وزكى زكاهم في والنبي عليه الصلاة والسلام زكاهم. غير ان هم اهل اللغة اعلم الناس اعلم جيل باللغة. غير ان هم سلموا من الاهواء والبدع والامور ديت. فلذلك كان تفسيرهم مقدم على تفسير اي احد. كلمنا - [00:06:17](#)

تفسير التابعين هم تلاميز الصحابة. وان هم برضه كانوا في عصر الاحتجاج باللغة. ان هم كانوا في عصر اللغة كانت فيه سليمة ما زالت سليمة وبرضه الاهواء ما كانتش برضو - [00:06:37](#)

يعني البدع ما كنتش زادت للدرجة دي. يعني اه غير ان النبي عليه الصلاة والسلام زكاهم. خير الناس قرني ثم الذين يلونهم ثم الذين يلونهم. فزكى متابعين ايضا والتزكية دي تشمل ما هم عليه من العلم والعمل وغير ذلك كلام قلناه بالتفصيل في درس السر الاول افهم زيه. آآ - [00:06:47](#)

وقلنا العبارة المهمة جدا ان ان فهمك لاقوال السلف يخليك تبقى عندك آآ عارف ضابط التفسير السليم ان التفسير السليم ينبغي الا يصادم مجموع اقوالهم. وشرحنا العبارة دي بالتفصيل مش نعيد ونزيد عشان - [00:07:07](#)

في حاجات كثير اللي عايز يفهمها يرجع للدرس اللي فات وهي ان التفسير الصحابة الحق لا يخرج عن ايه؟ عن تفسير الصحابة لان لا يمكن يكون جيل الصحابة كله جاهل الحق في التفسير. فلذلك لما تعرف تفسيرهم تعرف انت بتدور في انهي فلك عشان ما تايه؟ ما تخترعش قول يأتي على - [00:07:27](#)

اقوالهم بالايه؟ بالبطلان. هو دي المشكلة الوحيدة ان انسان يقول قول في التفسير ينقض كل اقوال الصحابة ابي او كل اقوال الصحابة والتابعين. ده اللي ممنوع. لكن انسان مسلا آي يأتي باستنباط من الاية من غير ما يتعارض - [00:07:47](#) مع كلامهم مع كلام الصحابة وده الباب اللي ممكن آي المتاح لسه متاح للايه؟ للي شغال دلوقتي في السير ممكن الاستنباطات. ممكن يقول ايه؟ قول موازي يعني يبقى حاجة حاجة زيادة في الاية ايه؟ استنباط زيادة معنى زيادة معنى جميل قاله لنا طلع به في الاية ده باب مفتوح. بشرط زي ما قلنا ان هو يكون - [00:08:07](#)

موافق للغة ما يكونش بيألف زي بعض بتوع التنمية البشرية التنمية البشرية او الاعجاز العلمي ممكن ياخذ الاية كده ويحملها على معنى ثاني خالص ما لوش اي علاقة باللغة حتى - [00:08:27](#) لازم يكون على الاقل موفق للغة. ويكون متناسق مع سياق الاية. ما تبقاش الاية بتتكلم في الدار الاخرة. مسلا واضحة جدا وهو ينزل اتي على حاجة دنيوية عادية مسلا فده محتمل. فلذلك احنا بنقول ان ان ده فهمك لاقوال السلف يقبض لك انك انت تعرف التفسير - [00:08:37](#)

مقبول بالتفسير المردود. فاي تفسير يأتي يناقض كل اقوال السلف فهو تفسير ايه؟ مردود باطل لا اقبل لا يقبل. تمام؟ اتكلمنا على آي لو حصل ايه انواع التفسير الواردة عن السلف - [00:08:57](#)

تفسير عن السلف قلنا باختصاره هنعيد الكلام ده كمان شوية. ان التفسير عن الصحابة خصوصا اما يكون تفسير اجمعوا عليه او تفسير اختلفوا فيه باختصار شديد يعني. اما تفسير اجمعوا عليه كلهم اجمعوا على على كلمة واحدة. فده خلاص ده انتهى الكلام في الايه؟ في المسألة دي وللازم كل اللي يبجي بعدهم لازم يقول - [00:09:18](#) المقالة لان ده يا جماعة. والاجماع حجة. فاذا اجمعوا على فهم معين يبقى كده هو ده الفهم الايه؟ الصحيح. لكن الغالب خلافا تمام؟ فيختلفوا. طب اذا اختلف الصحابة يبقى عندنا قسمين. طبعا احنا المرة اللي فاتت قلنا تفصيلات زيادة في موضوع ما لا يقال بالرأي والكلام ده. بس خيلنا النهاردة - [00:09:38](#)

نلمها اكثر شوية. عشان نركز في موضوع درس النهاردة. قلنا الخلاف ينقسم الى احنا قلنا اجمعوا عليه. ما فيش خلاف خالص. ادي ايه؟ قسم. نزل سهم كده اقوال السلف. واحد ما اجمعوا عليه. يبقى ده حجة. يجب الالتزام به. طيب ما اختلفوا فيه. ده قسم ثاني. هتنزل منه سهمين. اختلاف ده اختلاف تنوع - [00:09:58](#)

ولا اختلاف تضاد طب لو قلنا اختلاف تنوع يعني ايه اختلاف تنوع؟ يعني الاقوال مش متعارضة. ما فيش تعارض بين الاخوان عشان نحتاج ان انا اقول مين الصح؟ كله صح - [00:10:18](#)

لان ما فيش تعارض وبرضو هنقوله النهاردة بس انا بديك ايه؟ تشويقة. تمام؟ خلاف تنوع يعني ما فيش تعارض اصلا بين الاقوال عشان احتاج اقول القول ده الصحة القول ده ده ارجح مش محتاج ارجح اصلا. هقول كله صح. واخذ كل قول يضيف لي معنى جديد للاية يعمل لي ثراء في فهمي للاية - [00:10:32](#)

القسم الثاني خلاف تضاد يعني ما ينفعش اجمع الاقوال. يعني ده عكس ده القراء مسلا في سورة ايه؟ والمطلقات يتربصن فهن ايه؟ سلاسة قروض. يعني ايه قروض؟ واحد يقول لك حيضات. الثاني يقول لك ايه؟ طهر. حائض غير طهر ما ينفعش يبقى - [00:10:52](#) تنوع يا ديدي فهنا بقى ايه ده اسمه خلاف التضاد زي مسلا ولا قال سبحانه وتعالى آي ولي عفو الذي بيده عقدة الايه؟ عقدة النكاح. مين الذي بيده عقدة النكاح؟ قيل الزوج. وقيل ولي المرأة - [00:11:09](#)

قولية الزوج ولي المرأة ده اختلاف ايه؟ تضاد يعني ما ينفعش يبقى هو هم الاثنين هو واحد فيهم. فده اسمه خلاف ايه؟ تضاد يبقى لازم هختار قول هرجح قول في يوم. يبقى هنا لما يبقى الخلاف تنوع ما بعملش حاجة خالص. باخذ كل الاقوال واعيش بقى واتبسط

قوي بالاقوال ديت وبتاع. لان كل قول بيديني معنى - 00:11:28

تمام؟ لكن لو خلافت ضاد يبقى لازم احل الموضوع دوت ولازم في النهاية الجأ الى ايه؟ ترجيح. عشان كده احنا اخر حاجة

اتكلمنا فيها المرة اللي فاتت هي الايه؟ المرجحات - 00:11:48

لما يحصل بقى التضاد. هرجح ازاي؟ هنا بقى ايه؟ آآ قلنا هقولها بسرعة وبعد كده هنعيدھا تاني برضو النهاردة ان هي هتيجي لنا في حنة. ايه هي المرجحات اول حاجة صحة الاسانيد. خلاص فيه تعارض دلوقتي - 00:12:01

هبص في صحة السند. مين فيهم صحيح؟ ومين ايه؟ ومين ضعيف؟ اخذ الصحيح واترك الضعيف من المرجحات شهود الحادثة. يعني نقول مسلا طيب دلوقتي الصحابي ده قال كده والصحابي ده قال كده. والصحابي دوت هو اللي كان موجود ساعة التنزيل. هو

اللي حضر - 00:12:17

في الليل واقعة وده ما حضرش. يبقى ده يخليني اقول يعني ده ايه؟ ممكن اميل لدوت عن دوت. منها ايه؟ منها موافقة السياق. قول مع سياق الكلام. موافقة السياق دم المرجحات. وقول مش متسق مع سياق الايه؟ الايه فده برضو بيخليني ممكن ارجح على اعتبار

مين فيهم - 00:12:35

في قول اللي اتفق مع سياق الايه؟ الايه. وقلنا من ذلك ايه؟ شهرة الصحابي في التفسير. ممكن الجأ لكده او ما بين قولين صحابي مشهور جدا في التفسير وصحابي شهرته ضعيفة في التفسير ممكن اقدم الايه القول بتاع الصحابي المشهور زي ما يحصل -

00:12:55

حصل تعارض بين العلماء باخطار الاعلى. صح؟ فنقول مين الاعلم في التفسير فلان؟ يبقى ممكن ده يبقى من ايه؟ من المرجحات. وممكن قلنا اخر حاجة موافقة المشهور من اللغة. مرفقة المشهور من اللغة يعني قول فيهم متناسق مع لغة العرب وقول يعني هو لغة

عند العرب بس نادر ما بيستعملوها - 00:13:15

لما يحصل تعارض بين القاولين اقدم العرب بتستعمله في العادة. عن العرب بتستعمله في النادر. ضربنا مسال على كده ايه؟ في قول الله تعالى فضحك بشرناها باسحاق. ضحكت يعني ضحكت. ابتسمت وبتاع. وقيل ضحكت يعني ايه؟ حاضت. فمممكن نقول ده

حاضت دي غريبة - 00:13:35

في في لغة العرب ان هم يستعملوا ضحكة بمعنى ايه؟ حاضت فنقول لا ضحكت يعني ايه؟ ضحكت عادي اللي هو الضحك المعروف. معلش احنا اختصرنا بسرعة الكلام ده هيتقال تاني بالتفصيل بالراحة لان هيخدمنا تاني في موضوع النهاردة. طيب احنا النهاردة

هنتكلم في ايه؟ نتكلم في كزا حاجة. نركز بقى. هو بيقول لنا احنا وقفنا - 00:13:55

عندي ما جاء عن رسول الله صلى الله عليه وسلم او الصحابة والتابعين في التفسير يكون على ثلاثة انواع. ايه بقى الحاجات اللي انا باخذها من الصحابة والتابعين اول حاجة ما ورد في فضائل الايات والسور - 00:14:15

فضائل والصور قل هو الله احد تعادل ثلث القرآن. آآ اية الكرسي اعظم اية في كتاب الله؟ اي حاجة فيها فضيلة لسورة او اية. هات دي باخذها من الرسول عليه الصلاة والسلام - 00:14:31

هنا من الايه؟ من الصحابة. تمام؟ طيب هنا بقى بيقول لنا الوقوف على ما ورد من فضائل الاية او السورة التي يراد تفسيرها من

الاهمية بمكان ليه؟ يبين قدر السورة ديت فليست ام القرآن كغيرها. ولا الاخلاص مسل اي - 00:14:43

هي صورة ده بيبيديني في ايه؟ صفحة اتنين وتلاتين. صفحة اتنين وتلاتين. ده بيبيديني في ان انا اه بتفرق في التعاون مع السوق صورة لها فضيلة بقى اكيد ههتتم بها اكثر. ههتتم بحفظها اكثر. ههتتم ان انا اقراها اكثر. ههتتم ان انا افهمها اكثر. واضح؟ لو لها مسلا -

00:14:59

اثر في حاجة في حياتك مسلا الصورة دي مؤسسة في عزاب القبر دي مؤسسة في الفقر دي مؤسسة في السحر. اكيد هستعملها في مكانها. فلازم اعرف ليه الفضائل للصور عشان اعرف امتي اقراها امتي تنفعني طب الاخلاص اراه امتي طب الفلق تتقرا على

المحسود طب دي - 00:15:19

رقية وهكذا الايات لها ايه؟ لها فضائل. تمام؟ فدوت مفيد جدا. وهو يقول ان كل الناس طبعا معروف ان كثير جدا من العلماء صنفوا في موضوع القرآن يقول لنا من اجود ما وقفت عليه بعد كده بيقول موسوعة فضائل سور سور وايات القرآن للشيخ محمد رزق ترهوني وهو كتاب - [00:15:39](#)

هل الكتاب الثاني الاحاديث والاثار الواردة في فضائل سور القرآن لابراهيم علي السيد. وهو يقول الاخير ده من اجود ما وقفت عليه ايه بقى هو بيعتبر الكتاب الاخير ده من اجود ما وقف عليه. بيقول لي انه تعامل مع فضائل السور بمنهجية سليمة. هو ايه؟ هو عايز - [00:15:59](#)

علق هنا تعليق مهم قوي بيقول التعامل مع فضائل السور منهج الايه؟ المحدثين في الموضوع ده ان عموما باب الفضائل بيحصل فيه شيء من التساؤل عن الابواب الاخرى بمعنى ان السلف لم يكونوا يتشددوا - [00:16:19](#)

في الاحاديث الواردة في ابواب الفضائل بمعنى ان هم قد يقبلوا الضيف اذا كان ضعفه يسير اذا كان الضعف مسلا حديس فيه ضعف لكن ضعف يسير. يعني ايه حديس ضعيف - [00:16:40](#)

حديس ضعيف يعني مسلا يكون سنده فيه واحد مسلا خفيف الحفز مسلا واخذ بالك؟ واحد مسلا يعني عنده مشكلة في الديانة بسيطة بتاع اه فيقول لك الحديد ده ضعيف. هل معنى ضعيف ان هو اكيد النبي ما قالوش - [00:16:55](#)

مممكن يكون ادم. يعني ممكن الراجل اللي هو ضعيف الحفز ده الحديس دوت يعني كان من الحاجات اللي قالها صح. مش كده؟ او هو ديانتته خفيفة بس هو اتقى ربنا في الحديس دوت. اذا في احتمال ضعيف ان يكون فعلا الكلام ده. النبي عليه الصلاة والسلام قاله - [00:17:12](#)

فلذلك هم ممكن يقولوا طب باب الفضائل هيفرق معي قوي يعني؟ يعني هو هيبقى حلال او حرام او عقيدة؟ طالما انا مش هسبت حلال حرام عقيدة امر غيبي جنة نار ربنا آآ يعني حاجات متعلقة بالعقائد مش مشكلة امر الفضائل ايه؟ اسهل - [00:17:30](#)

شوية شيء محفز مش اكثر يعني. شيء بيحفزك تعمل العمل. فلو المسل جه حاجة في فضيلة صورة معينة. فاللي هتعمله انت هت حفظها حد يقرأها كثير هتهتم بيها فشيء لا يضر - [00:17:50](#)

صح؟ يعني مش ما قلتلكش حلال وحرام ما قلتلكش آآ الطلاق ده وقع ولا ما وقعش؟ لأ انا في الحالات دي لازم استند لاسانيد ايه؟ لادلة قوية. طالما هاشرع لك - [00:18:06](#)

طالما هيبقى في الزام للناس بحاجة يبقى لازم اتكلم حديس صحيح ما فيش كلام وبتاع او حسن او الكلام دوت. طريقة المحدثين في الفقه لازم نفهم قواعد ودي اتكلمنا في التفسير كمان ان طريقة المحدثين تختلف حسب الايه؟ حسب المجال اللي هو شغال فيه. لو شغال في فقه - [00:18:16](#)

لما يبقى شغال في فضائل غير لما شغال في تفسير غير لما شغال في السير وديت الحنة لو فهمتها هتريحك في حاجات كثير. ان ان محدسين ما كانوش بيتشددوا في كل الابواب. اللي كانوا - [00:18:34](#)

شدوا في ابواب الحلال والحرام يتشددوا في ابواب العقائد اسباب العقائد. تمام؟ اتشددوا في اسباب الغيبيات. دي اللي بيلتزم يتكلم فيها حديس صحيحة. اما الامور الايه؟ اللي فيها مسلا ايه؟ فضائل الاعمال. آآ حاجة محفزة في قيام الليل. حاجة محفزة في الصيام. آآ او مسلا - [00:18:50](#)

فضائل سور او مسلا حاجة في السيرة مش هتاسر معي يعني موقف حصل حاجة في التفسير زي ما هنقول كمان شوية لا يتشددون في السنة ليه؟ لان اه الموضوع ينفع وفي نفس الوقت لا يضر. لا يؤثر. ففضائل السور مجرد محفز. بعض فضائل الاعمال اه مجرد - [00:19:10](#)

محفز فمممكن يتساهلوا في نقل بعض الاحاديث الفياضة. بس بيشترط ان الضعف يكون يسير. ان احنا قلنا ان الضعف يسير بيخليني اقول احتمال يكون النبي عليه الصلاة والسلام ايه؟ قاله. لكن - [00:19:32](#)

ضعفك شديد او يكون موضوع او مكذوب لا لا لا مش ممكن ابداه يقبله بنا في فضائل الاعمال نفسيا ولا في اي حاجة من المجالات

ديت بس زي ما قلنا هم اما بيتسألوا في الضعف اذا كان الضعف ايه؟ يسير. تمام؟ ومش في كل حاجة في الحاجات اللي هي ما تضرش. فضائل سير آآ - 00:19:42

اه بعض التفسير زي ما حلفت. فهو عايز يقول ان هو توسط. لا هو شدد قوي فما قبلش غير الصحيح من اللي ما فيش كلام على صحته ولا هو تساهل وخط الموضوعات والمكروبات. لان المؤلفات في كتب فضائل الاعمال ما بين القسمين دول. فيه ناس تشددوا - 00:20:02

ما حطوش الا الصحيح فقط اللي هو يعني ما فيش كلام فيه. وفيه ناس تساهلو جدا فتلاقي في كتبهم الايه الحديس الموضوع والحديس المكروب واللي ضعفه شديد هو بيقول المصنف الاخير ده توسط شوية - 00:20:20

يعني لا هو تشدد قوي وما خطرش غير صحيح ولا هو اداك بقى الايه الموضوعات وكده. انما جاب حتى الضعيف اللي ضعفه ايه ياسين فاهمين الفكرة ديت فده المنهج في ايه؟ في قصة في قصة الايه؟ فضائل السور. طيب خلصنا ديت. نخش بقى على اللي بعده عشان دي خطيرة. اسباب النزول. يلا - 00:20:32

انا بعرف ايه ثاني؟ احنا قلنا بعرف من النبي عليه الصلاة والسلام. والصحابة التابعين ثلاث حاجات. فضائل اسباب نزول. اسباب النزول. طيب ايه هي اسباب النزول؟ الاول هيعرفهن؟ قال هو ما نزل - 00:20:51

الاية من اجله شريطة ان تكون في زمن وقوعه. يعني ايه الكلام ده؟ الاية نزلت من اجله. ما هو اكيد سبب النزول وهي الاية نزلت اجل. اصبر بس عشان انت دلوقتي - 00:21:03

ان في اسباب نزول كثير ما لهاش علاقة بالاية. او بيقول شريطة ان تكون في زمن وقوعه. بيضرب مسال لكده عشان ما حدش يقول ان سورة الفيل نزلت بسبب ايه - 00:21:16

حادثة الفيل يعني دي حادثة الفيل دي كانت مولد النبي عليه الصلاة والسلام الذي ولد فيه النبي عليه الصلاة والسلام. ايه اللي جاب سورة الفيل لحديثه الايه الفيل؟ هي صورة الفيل بتفكر بحادثة الفيل بس مش سبب نزولها. عشان كده بيقول سبب النزول لازم يكون معاصر للنزول. ما يجيش واحد يقول مسلا قصة ابراهيم سبب نزولها - 00:21:26

بعسة سيدنا ابراهيم يعني تمام؟ لازم يكون الحدس كان معاصر. معاصر ده مش سبب نزول. ما يقولش مسلا ابراهيم في انزا الله من سورة ابراهيم يعني ما لناش ما ينفعش ده يكون سبب النزول. فسبب النزول يكون متزامن مع الحدس نفسه. تمام؟ عشان كده - 00:21:46

ده بيقول عشان ما حدش يقول لي ان سورة الفيل سبب اه حادس الفيل سبب لنزول ايه؟ سورة الفيل. فيقول الايه؟ يعني ايه هو سبب النزول؟ هو الحادثة التي تزامنت مع نزول - 00:22:06

الاية او السورة. تمام؟ سهلة مفهومة طيب وبيقول الفوايد بيقول طبعا من الصعب الوقوف على تفسير الاية دون الوقوف على القصة وبيان سبب النزول. سبب النزول بيضيف لك ايه معاني وبيخليك تفهم الاية ايه؟ فهم جيد. زي ما ضربنا مسال قبل كده في قوله تعالى ان الصفا والمروة من شعائر الله فمن - 00:22:16

حج البيت او اعتمر فلا جناح عليه. ان يطاف به. لو انت جيت على الاية دي من غير سبب النزول هتقول ايه؟ ربنا بيقول فلا جناح عليه ان ايه؟ يتطوف بهما. يعني - 00:22:40

فين الصفا وليه يسعى بين الصفا والمروة. كلمة لهج نح دي معناها ايه؟ معناها ما فيش مشكلة يعني اللي عايز ايه؟ يسعى يسعى. فبالتالي تطلع انت باستنتاج ان السعي جاهز في الحج - 00:22:50

لان ربنا قال ايه؟ فلا جناح عليكم فانت فهمت ايه من لا جناح؟ يعني كأن ايه؟ كأن ما فيش مشكلة يعني ده مش واجب بقى ولا فرض ولا ركن انما هيبقى ايه؟ جائز. اللي عايز ايه يسعى يسعى. وده وده على عكس السعي ركن من اركان الحج. طب آآ طب ازاى آآ - 00:23:03

يعني طب نفهمها نفهمها من سبب النزول؟ هو اصلا ايه سبب النزول؟ سبب النزول لان الصحابة كانوا بيعسوا عادي. بس هم كانوا

وجدوا في انفسهم شيء جناح حرج كده ليه؟ لان هم كان زمان قبل الاسلام كان في على الصفا ده صنم وعلى المروة ايه؟ صنم. هم كانوا يبسعوا عشان الصنامين - [00:23:24](#)

فلما سعوا برضو في نفس الطريقة كأنهم ايه؟ تخرجوا كده. فربنا بيرفع عنهم الحرج يعني. يقول لهم يعني ارفعوا الحرج عن انفسكم. لا تخرجوا ان تشعر ايضا بين الصفا والمروة خلاص ان الصفا والوراء من شعائر مين؟ شعائر الله. خلاص يا جماعة الشرك انتهى -

[00:23:43](#)

هو بيقول لهم يعني ما تتخرجوش فهو هنا بيثبت حكم السعي ولا بيرفع الحرج بس عن الصحابة؟ بيرفع الحرج. طب انا افهمها ازاي الا لو انا عارف سبب الايه؟ النزول. سبب النزول بيضيف لك معنى. لما اعرف سبب نزول مسلا قصة اصحاب الكهف وقصة ذي القرنين.

ده يأتّر معي في - [00:24:02](#)

ذات نبوة النبي عليه الصلاة والسلام. اقدر اقول ان السورة دي من ادلة نبوة النبي عليه الصلاة والسلام ان قصة ذي القرنين من فوائدها انها تدل على صدق النبي عليه الصلاة والسلام ايه علاقة ده بالصدق بالرسالة؟ اه اصل سبب نزولها اليهود والاياه؟ والقصة

المعروفة اهو قالوا للمشركين لو قال لكم على - [00:24:22](#)

طبعا فدية في الدهر الاول ماذا كان عمرهم سلوعا رجل جاب المشارق والمغارب وسالوه عن الروح فان اجابكم فهو ايه؟ نبي صادق والكلام دوت. فده بيديني معنى يديني فوايد في الايات. يبقى احيانا ممكن اصلا ما افهمش الاية الا بسبب النزول. وغير ان سبب

النزول بيديني ثراء للمعاني ويخليني افهم حاجات ثانية غير مجرد - [00:24:42](#)

ان انا قصة اصحاب الكهف وخلاص لا اداني معنى وراء المعنى دوت. تمام كده؟ وبيفهمك حكمة التشريع. مسلا قوله تعالى ان الحسنات يذهبن الايه؟ يذهبن السيئات. هل الاية دي عامة ولا خاصة؟ اني شفتها في النزول؟ جاء رجل الى النبي عليه الصلاة والسلام

وقال يا رسول الله - [00:25:02](#)

امراً فالنبي عليه الصلاة والسلام سكت وصلى وبتاع وبعد كده قال اين السائل؟ قال لقد انزل الله علي ايات ان الحسنات آآ اقم الصلاة طرفي النهار وزلف من الليل ان الحسنات ايه؟ يذهبن السيئات ذلك زكرا للزاكرين. فقال يا رسول الله - [00:25:22](#)

هي لي خاصة ام للناس عامة؟ قال بل للناس ايه؟ عامة. فهمت معي. فهمت الاية دي مش خاصة بالراجل دوت. فهمت ان هي للناس كلها. اللي يقولوا لها سبب النزول - [00:25:42](#)

ما كنتش هفهم كده. كنت ممكن اقول دي حادثة عين. دي حادثة خاصة بالراجل دوت. ما اعرفها ازاي؟ فكان لازم انا افهم الايه السبب. اذا السبب بيوجب لك حاجات ايه - [00:25:52](#)

بيوجب لك حاجات حلوة قوي. طيب خلينا نقول الحجة اللي قالها قبل ما اديكم الزتونة في موضوع الايه؟ اسباب النزول دوت. هو بيقول في مصنفات كتير اتألفت في اسباب النزول من القديم ومن الايه؟ الحديث. من ابن حجر الف العجاف في بيان الاسباب. وفي -

[00:26:02](#)

السيوطي الف لباب النقول في اسباب النزول. ولكن بقى في كتب معاصرة بتكون اسهل شوية. منها اشهرها على الاطلاق الصحيح المسند من اسباب النزول. الصحيح المسند من اسباب النزول للعلامة مقبل الوادعي - [00:26:22](#)

وفي كتاب ثاني ممكن نكتبه جميل قوي. اسمه المقبول في اسباب النزول. ده مش مكتوب عندهم. المقبول في اسباب النزول ده للشيخ عصام الحميدان. عصام الحميدان المقبول في اسباب النزول. وفي كتاب اسمه - [00:26:41](#)

محرر من اسباب النزول. المحرر من اسباب النزول للشيخ احمد المزيني. احمد المزين. خلاص؟ طيب تعالوا بقى ناخده الزتونة.

دلوقتي احنا لما بنيجي نقرا في في اسباب النزول مسلا. بنلاقي عندنا - [00:27:01](#)

مشكلة ان ممكن اقرأ الاية اللي قرا قبل كده بيوجد اسباب نزول كتير هتلاقي المفسر كاتب وروى فلان فلان ان هذه الاية نزلت في كذا خلاص. موضوع تلاقي بعد كده وروى فلان ابن فلان انها نزلت في كذا. حاجة ثانية خالص - [00:27:21](#)

وجاء رجل للنبي عليه الصلاة والسلام فقال له كذا فنزلت كذا. وبعد كده يحكي لك قصة ثاني اربع خمس ست اسباب ما لهمش علاقة

ببعض طب اللي ينفع اسباب النزول تبقى اربعة خمسة ستة ما هو اية نزلت في سبب يعني طب ازاى كل الاسباب ديت - [00:27:37](#)
خد بالك بقى احنا عندنا ملحوظة مهمة جدا جدا لو فهمت الكلمة اللي هقولها دي هتفهمك موضوع اسباب النزول ببساطة خالص
السلف لما ييجوا يقولوا عن حاجة سبب نزول مش لازم يكون هو ده فعلا السبب اللي نزلت فيه الاية - [00:27:56](#)
ممکن يقولوا الاية دي نزلت في كذا ومش قصدهم ان هو ده سبب النزول. قصدهم ان الاية دي تركب على الموضوع دوت. تناسب
الموضوع دوت القصة دي شبه الاية اللي بتتكلم عنه الاية. يعني هديك مسال قول الله تعالى مسلا مشهور جدا من المؤمنين رجال -
[00:28:16](#)

صدقوا ما عاهدوا الله عليه. مشهور جدا في التفسير انها نزلت في مين؟ في انس ابن النضر انس ابن الناضر اللي هو قال في يوم بدر
لئن اشهدني الله مشهدا اخر ليرين الله ما اصنع. فلما جه في يوم احد - [00:28:39](#)
الناس فر وبتاع قال اللهم اني ابرأ اليك من فعل هؤلاء المشركين. واعتذر اليك من فعل هؤلاء على المسلمين. وخاض في صفوف
المشركين قاتل حتى ايه؟ قتل سين احد. طب الاية اللي انا بقولها دي فين؟ في سورة الاحزاب - [00:28:57](#)
يعني الاحد سنة اثنين الاحزاب سنة خمسة. واحنا قلنا الزهب بالنزول لازم يكون متزامن. يبقى اكيد ما نزلتش في انس ابن النضر
طب يعني ايه لما الصحابة يقولوا كنا نرى ان هذه الاية نزلت في انس النضر. يعني الاية دي مناسبة. لانس النظر - [00:29:12](#)
مش مش ده سبب النزول ان الاية دي لو في حد نقدر ندخله فيها يبقى نمرة واحد انس ابن النضر. بس مش مش لما انس النضر
مات نزلت الاية - [00:29:33](#)

الناس بعدي بتلت سنين عايز اقول لك ان كلمة نزلت في كذا مش لازم ده يكون ايه؟ سبب النزول. ممكن يكون السلف وده عادي
بيعملوه كنا نرى ان هذه الاية نزل مسلا واحد صاحبنا اخونا مسلا صدق مع الله ومات شهيد ومش عارف ايه مسلا في حاجة مسلا
وصدق فيها وبتاع نقول نرى ان هذا - [00:29:47](#)
الاية نزلت في في مسلا محمد مسلا هي نازلة في محمد. بس احنا بنستعمل طريقة السلف. يعني نقول الاية دي تناسب محمد. فعلا
الموقف اللي عمله ده صدق مع الله سبحانه وتعالى - [00:30:10](#)

فهمت الحنة دي؟ لو فهمت الحنة دي هتعرف تخلص اسباب النزول من الاسباب الكثير اللي انت بتقراها. عشان كده بيعتبروا كلمة
نزلت في كذا هو لفظ غير صريح. لفظ غير ايه؟ صريح. فاذا خلق. اذا قال السلف نزلت الاية في كذا نزلت الاية - [00:30:23](#)
في كذا فهذا لفظ غير صريح يحتمل ان ده فعلا سبب النزول او مش سبب النزول تمام طب ايه اللفظ الصريح بقى لو لو اتقال يبقى
لازم يكون سبب نزول. ان بقى يرتبوا الكلام كده. حصل كذا - [00:30:43](#)
فانزل الله كذا حصل كذا فانزل الله ايه؟ كذا. دي ما تنفعش تحتملش احتمالات. دي لازم تكون سبب النزول لان هو الصحابي رتب
الكلام. قال حصل كذا فانزل الله ايه؟ كذا. مسلا السيدة عائشة تقول دخلت - [00:31:04](#)

امراة على النبي عليه الصلاة والسلام. تشتكي زوجها وانا لا اسمعها. فانزل الله قد سمع الله قول التي تجادلك في زوجها. ده صريح. ده
بيسموه سبب نزول صريح. او لفظ تعبير به عن سبب نزول صريح. يبقى عندنا السلف نستعمله في العادة طريقتين في التعبير.
طريقة غير صريحة وطريقة - [00:31:25](#)

صريح. الطريقة الغير صريحة ان هم يقولوا ايه؟ نزلت هذه الاية في كذا. دي غير صريحة. يبقى انا شاكك كده على طول. لازم اراجع
بقى صريح انه يقول حصل كذا فانزل الله كذا. دي صريحة. دي لها دي هتكون سبب نزول في العادة. خلاص؟ لو - [00:31:50](#)
دي اصعب حنة في موضوع اسباب النزول تمام؟ يبقى انا لو عندي اسباب نزول كتير دلوقتي قدامي في الاية اول خطوة قبل اللي انا
قلته ده هقول لك خطوة الاول. اكتب بقى. بس اكتب حنة فاضية شوية - [00:32:10](#)

مش هنقولوا كذا ايه؟ كذا خطوة تمشي وراهم خلاص كده هتعرف سبب النزول اول حاجة اخرج الصحيح من الضعيف لان سبب
النزول من من الحاجات اللي ما ينفعش ناخذ فيها الضعيف - [00:32:29](#)
لان زي ما قلنا ده شيء ايه؟ مؤسر مؤسر صح؟ اول حاجة اخرج الصحيح من الضعيف. يعني صنف ده صحيح وده ايه؟ ضعيف. وما

تاخذش الضعيف ان سبب النزول من حياتي اللي مؤثرة في ايه؟ مؤثرة في في ان انا افهم الاية. ما ينفعش ان انا اعتمد على سبب نزول ايه؟ ضعيف. ده من الحتت اللي مش هينفع - [00:32:50](#)

فيها لازم سبب النزول يكون صحيح. يبقى الاول اطلع سحر من الضعيف عشان كده في ناس قلبوا في الصحيح بس زي الياه مقبل وادعي. قال لي في الياه؟ الصحيح المسلم. هنا ده كويس غير فضائل الاعمال. خد بالك. عشان كده قلت لك مناهج المحدثين تختلف - [00:33:13](#)

في فضائل الاعمال فضائل الصور ممكن يتساءل في الياه؟ في الضعيف. لكن في اسباب النزول يتشدد يتشدد لي فضائل الاعمال ما فيش ضرر. لكن سبب النزول ممكن يضر فهم الياه؟ يضرني في فهم الاية. مش كده؟ عشان كده السلف - [00:33:28](#)

المهندسين يتشددوا في في اسباب النزول ولا يتشددوا في فضائل السور لو فهمت الحتت دي الدنيا هتنور معك. ليه كانوا بيألفوا ليه تشدد؟ ليه انت قلت لي الصحيح المسند زمن النزول؟ بعد كده من شوية قلت لي الكتاب ده جميل عشان ما تشددش في - [00:33:47](#)

صحيح لان انا الاولاني كنت بتكلم في فضائل السور ودلوقتي بتكلم في اسباب النزول. واسباب النزول من المواطن التي يتشدد فيها المحدثين لانها تضر او تنفع تؤثر في فهمك للاية. توديك يمين او شمال صح؟ تمام. يبقى انا الاول اتكلم مع الصحيح بس -

[00:34:03](#)

اتنين انزرا الى صيغة الكلام. هل هي صريحة ام غير صريحة فاذا وجدت ان في صريح وفي غير صريح استبعد الغير صريح اذا وجدت في نفسي حدس كذا فانزل الله كذا يبقى دوت اللي هقول ده معنا ده. هاته. لكن لو لقيت نزلت في كذا كل شوية ليه؟ وقال فلان نزلت في كذا - [00:34:23](#)

وقال فلان نزلت في كذا استبعد دولا طالما لقيت صريح يبقى نستبعد الياه؟ استبعد الغير صريح. طيب يبقى انا كده الصحيح الصريح. اول خطوتين هنسمي الاولانية خطوة الصحيح الخطوة الثانية خطوة الياه؟ الصريح. وانا جبت ممكن انت تكون دلوقتي خلاص وصلت. طب افرض بقى الاسوأ - [00:34:48](#)

بعد ما عدبت على الصحيح والصريح طلع لي اتنين صحيح صريح اعمل ايه؟ هنا بقى هانظر اكتب ثلاثة بقى هتكتب النزر الى الزمان النظر الى الزمان فاذا تقارب الزمانان يبقى اذا نزلت مرة واحدة للسبيين - [00:35:13](#)

اذا كان الحدسين يعني ايه قرييين من بعض اوي. يبقى الحل هنقول ايه؟ نزلت الاية. مرة واحدة للسبيين. يعني نزلت كان ده وراء دوت. فنزلت اهي للاتنين مع بعض. اذا تقارب الياه؟ الزمان يبقى نقول نزلت الاية مرة واحدة للياه؟ لسه - [00:35:48](#)

ما بين معا طب اذا تباعد الزمان ده بقى الياه؟ اللي هو سبيين ومتباعدين. ده في حته وده في حته. والاتنين صحيح وصريح. اتفقنا دي خلاص هنعمل ايه بقى؟ يبقى عندنا حلين. اما الترجيح - [00:36:05](#)

اليوم سنقول ان الاية نزلت مرتان ينفع هي تنزل مرتين عادي تنزل مرتين في قراءات وكان اية ممكن تنزل على النبي عليه الصلاة والسلام بقراءات واوجه وكده فوارد ان الاية تنزل اكثر من مرة - [00:36:22](#)

تمام؟ بس احنا بنحاول الاصل ما نوصلش للياه؟ للحل ده في النهاية. ان احنا نقول ان هي نزلت مرة واحدة ده الاصل. ان هي بتنزل مرة. لكن الاستثناء ان هي هتنزل مرتين - [00:36:40](#)

ان هي تنزل مرتين. وده هتلاقه في مسلا في اسباب نزول سورة الفلق. تلاقي حاجات فعلا كتير. ده ده يخليك تجزم ان السورة دي مش مرة واحدة اكيد تكرارها هيكون لاهميتها. نزلت مرة في موطن مرة في موطن ثاني كأن ربنا بيشير بها الى ايه؟ يعني تنفع هنا وتنفع هنا كده يعني. فاذا تقارب الزمان هنقول نزلت مرة - [00:36:50](#)

اذا تباعد الزمان اما نرجح بين السبيين نشوف بقى حاجة نرجح بها انهي ودي بقى عايضة شغل مفسر او لو مفيش حل هنقول اية نزلت ايه؟ مرتين شفت ايس كريم سهل ازاي؟ ونادر قوي انك توصل للحالة الحرجة دي يعني. يبقى الاول خطوة الصحيح. ثاني خطوة ايه؟ الصريح. تالت خطوة الزمان - [00:37:12](#)

اذا تقارب خلاص هي مرة واحدة اذا تباعد عندنا سهمين اما الترجيح او نزلت مرتان. سهلة كده يا جماعة؟ والاية ايه قرر نزولها يعني

خلاص خالصنا موضوع ايه؟ اسباب النزول. نخش بقى في التالت. التفسير المسند. احنا بناخد من النبي عليه الصلاة والسلام الصحابة ايه - [00:37:35](#)

فضائل الاعمال فضائل الصور وسباب الايه؟ النزول. التالتة التفسير بقى. اللي هو اهم حاجة احنا عايزينها النهاردة. التفسير تفسير المسلم. هنا بيقول لنا تفسير ركز في حاجتين. لما ننزر ننزر جاي للتفسير هننظر في الروايات - [00:37:56](#) وننظر في الفهم للكلام. يعني انا هانظر للاسانيد وانزر لفهم الكلام. تاني هو بيقول لنا هنا عندنا حاجتين مهمين. النظر في طرق الرواية والنظر في فهم الدراية يعني ايه طرق الرواية؟ اللي هو الاسانيد؟ يعني الكلام ده مين اللي قاله؟ فلان عن مين؟ عن فلان عن فلان عن ابن عباس. هشوف بقى فلان عن فلان عن فلان دوت - [00:38:14](#)

السند ده ضعيف صحيح قوي يعني هشوف وزنه ايه بعد ما اشوف اشوف بقى الكلام نفسه ايه اللي بيتقال؟ ده اللي هو الدراية ان انا احيط بعلم ايه الكلام اللي بيتقال؟ ده اسمه السند يعني المتن قصدي. فانا هشوف السند واشوف - [00:38:37](#) بس في خد بالك بقى هنتكلم وانا بشوف السند امتى بشدد فيه وامتى ما شددش فيه ولما والتمن لو لو اتقال لي بقى كذا حاجة سمعت ده قال حاجة وده قال حاجة هنعمل فيهم ايه؟ نركز بقى. بيقول اول حاجة - [00:38:58](#)

الاول ان انا ابص للايه؟ للاسار التي وردت واشوف الاسانيد بتاعتها. قبل ما اشوف الاسانيد اسأل نفسي هل الحاجة اللي انا دلوقتي بقرأ فيها ديت حاجة يهمني ان انا اتشدد فيها ولا مش مشكلة اتساءل فيها؟ بمعنى لو انا دلوقتي - [00:39:15](#) عايز اسبت معنى في الاية. مجرد معنى مش هقول حلال ولا حرام ولا عقيدة. معنى استنباط حاجة في اللغة هل يلزم ان انا اتشدد في السند ما يلزمش ليه؟ لان انا ببحس في المعاني. بمعنى مش انت مسلا بتلاقيهم لما ييجي مسلا يتكلموا في اسباب اللغة يقول لك كما قال الشاعر فلان كذا وكذا وكذا - [00:39:44](#)

بيجيوا سند اصلا ما بيجيوش سند ليه انا ثبت لغة وطالما عدت على السلف ووصلت لي يبقى دي من اللغة هم ما كانواش هيعدوها طالما مشيت في كتب السلف وصلت لك يبقى هي من لغتهم. ان هم لو لقوا اي حاجة زي دي ما كانواش ايه؟ ما يعدوهاش -

[00:40:11](#)

واتكتبت في الكتب واتقرت والسلف بيتوارثوا الكتاب دوت ومكتوب فيه الجمل ديت. ووصلت لك. طالما وصلت لك والاشعار دي اتكتبت في الكتب دي وتتابعنا الكتب تنقل عن بعض لغاية ما وصل لك الشعر. يبقى اكيد ده من لغة العرب - [00:40:37](#) من غير ما اعرف سند دي لغة والعرب ما كانش هيعديها لو هي مش لغة ما لوش دعوة بالاسناد. ده كلام بيتقال دلوقتي. كلام احنا بنقلوه. مش لازم كل حاجة يقوله لك اقول لك سندها. بس هي لو فيها مشكلة في اللغة ما كانتش هتعدي. كذلك في باب المعاني -

[00:40:52](#)

الم اسبت معنا الان دلوقتي انا دلوقتي مسلا ضربنا مسال مسلا قوله تعالى ثم لا تسألن يومئذ عن نعيم قال ابن عباس النعيم هو المسكن الطيب آ قال فلان مسلا نعيم هو الصحة والفراغ. قال فلان النعيم هو الزوجة الصالحة. يهمني السند - [00:41:10](#) ليه؟ لان انا هنا بتكلم في احكام ولا معاني؟ معاني. انا مجرد باسبت معاني. فالسند صحيح ضعيف كلامهم كويس فهاخده عادي واضن ده تفسير واتعامل معه على انه تفسير عادي جدا. انا مش مش هوصل به لحلال او حرام او عقيدة او كده - [00:41:31](#) فازا كان باب التفسير يدور حول اللغة او المعاني فلا نتشدد في السند. وده منهج المحسدين في التعامل مع عشان كده قلت لكم المجالات المحسدة حسب المجال اللي شغال فيه. اذا كان في الفقه هيتشدد. اذا كان في العقيدة هيتشدد - [00:41:53](#) اذا كان في التفسير هيتشدد لو حاجة في الحلال والحرام والعقيدة هنقول بعض المواطن. لكن لو كان في مجرد اسباب معاني او من اللغة اول شيء من الاستنباطات تفسير يعني سند صحيح وضعيف تفرق معايا في ايه. مش هتفرق معايا هياخدها وخلاص -

[00:42:13](#)

كذلك يتساءل في الحديث الضعيف اذا كان الحديث ده باخد منه معنى بس. مش باخد منه حكم ناخذ منه ايه؟ معنى يخدم على التفسير يعني لو انا خدت قول الصحابي الضعيف طب اخذ الحديث الضعيف برضو يعني اذا كان انا خدت شعر الشعر الجاهلي اللي

ما لوش سند - 00:42:35

ما اخدش الحديس الضعيف. بس انا باخد الحديس الضعيف هنا في اسباب الايه؟ المعاني او اللغة لكن مش اسباتي ليه الاحكام والعقائد مفهوم يا جماعة عشان احنا هنقرا دلوقتي الكلام تبقى فاهمه. بص بقى الحجة دي - 00:42:55

بيقول النوع الاول. هو اللي انا قلته ده هو النوع الاول اسار يراد اسباب عموم معناها لا دقائق الفاظها. يعني انا ما يهمنيش قوي ان انا ادقق يعني انا خدت الايه؟ المعنى. كلام حلو. كلام موافق لغة العرب. كلام متناسب مع السياق. خده. حتى لو السنة دي ضعيف.

هينفعك - 00:43:13

او معنى طلعت به ومش هيضرك. تمام؟ هي كده عشان كده بيقول اسار يراد اسباب ايه؟ معناها لا التدقيق في الايه في الفاظ بتاعتها. طيب خيلنا نقرا كلمة شيخ الاسلام عشان دي هي دي اللي بتجيب لك الكلمة الحلوة دي. بيقول ايه؟ شيخ الاسلام طبعاً له

رسالة - 00:43:40

رهيبه في الموضوع اسمها اصول ايه؟ اصول التفسير. هي صعبة طبعاً لو واحد قرأها لوحده يستصعبك. لكن كل ما هنقول حجة

بنقول ايه؟ وقال شيخ الاسلام. دي من جايبة لك منين من اصول - 00:44:00

ان شاء الله بعد الرسالة دي هتلاقي نفسك تمسك كسرات وصول تفسير وتقرأها عادي ومعلوم قال شيخ الاسلام معلوم ان المنقول في

التفسير اكثره نقول فين؟ في المغازي والملاحم يعني السير يعني. قال الامام احمد ثلاثة امور ليس لها اسناد - 00:44:10

والملاحم والمغازي. يعني ايه ليس ان بعض الناس ببسقيه بياخد كلمة الامام احمد دي بيطلعن فيها على الدين. يقول لك ده الامام

احمد قال ايه؟ قال الحياة عندكم ما لهاش ايه؟ اسانيد - 00:44:30

هو ليه واحد بيتكلم في ايه؟ ده محدث بيتكلم في الحجة اللي المحدثين عارفين ان يمكن التساهل فيها في الايه؟ في الاسانيد اللي

هي السير والملاحم والمغازي تفسير سهل فيها. ليه؟ لان انا عندي في السيرة لو خدت الصحيح بس السيرة تبقى متقطعة -

00:44:40

مشهد بعد كده فاضي. كده مشهد وبعد كده فاضي. بعد كده مشهد. مش هعرف اوصلها ببعض الاربعة الروايات الايه الضعيفة

فهقبلها علشان استطيع ان انا اكمل الايه؟ سياق السيرة. لكن لو هأخذ منها احكام هقول لا. مش هأخذ منها ايه - 00:45:00

احكام مش هأخذ منها عقيد. انا بس حطيت عشان اكمل سياقي ليه؟ فهقبلها طالما الضعف يسير. وهي مقبولة ما فيش حاجة منكدة

في الايه في موضوع اقبلها حطها احسن ما تسبب السيرة ايه؟ فاضية - 00:45:18

واضح؟ لكن لا تبجي تاخذ منها حكم؟ لا انت كده ممكن تجد عادي جدا بعض الناس في التفسير في السيرة يحطوا قصة الحمامة

ونسجت العنكبوت العنكبوت نسج ايه مش عارف ايه على الغار هي قصة ضعيفة بس الاوراد او - 00:45:36

ليه؟ هي دي مما يتساهل فيها بعض الناس يتشدق قوي لما يبجي يسمع يقول لك لا دي ضعيفة ما تقولهاش دعوة هي دي انا خدت

منها حكم خدت منها عقيدة العنكبوت نسجت بتاع خلاص. يمكن ويمكن لا. يعني ايه مش مش هتفرق معايا - 00:45:50

انت لو تشددت في الضيف كنت هتشيل نص السيرة هتشيلها نص السير هتشيلها بلا مبالغة. لان كتير جدا من اللوامح في الاحداس

ضيف. قصص ضعيفة. بس زي ما قلنا منهج المحدثين تساهل في موضوع الايه؟ في السير في المغازي في الحاجات ديت. دي كلمة

شيخ اسلام كلمة للامام احمد. بيقول ثلاثة امور ليس لها اسناد. عايز يقول ايه - 00:46:11

مش عايز اقول ما لهاش اسناد. هي لها اسناد. بس عايز يقول لا نتشدد. في اسنادها قلنا نحن في حاجة ما لهاش اسناد؟ ده ان كتير

ابن كتير بيحب الاسناد. احمد ما يعرفش الاسناد؟ مش معقول يعني. صح؟ فده - 00:46:36

يعني آابن اسحاق اورد الايه؟ اورد الاسانيد كلها في كتابه الايه؟ كتاب السيرة المعروف يعني. الخلاصة يعني ان الامام احمد كده

بس عايز يقول ليس لا يزنا يعني ايه؟ يعني لا نتشدد في التعاون معها في الاسانيد. ولا يراد التدقيق في الاسانيد فيها. ايه التفسير؟

ويقزف التفسير - 00:46:53

ما يتعلق بالمعاني واللغة والاستنباطات مش مشكلة. اما الحلال والحرام وكده انت عارف الامام احمد اصلاً كان فقيه والتعليم بيتعمل

ازاي في الفقه؟ شوف بقى مذهب الامام احمد عامل ازاي لما ييجي يتكلم في الفقه - [00:47:13](#)

بيتمسك جدا بالدليل. الله! ده انت لسه قاييل في ايوا ما هي دي غير دي شفت بقى الكلام؟ الحاجات دي بتنورك. تخليك تفهم. تقول

هو عايزين بقى واحد يا جماعة ايه ياخذ لنا ابن كسير ينقحه لنا - [00:47:27](#)

من انت كده ما تبقاش فاهم هو ليه سايبيني ابن كسير كده مش بيقولوا لنا الحديس والضعيف؟ ايوه ما هو ده منهج منهج الناس في التفسير. تساهل عارف لو طلعت ضعيف من التفسير مش هيفضل لك حاجة. هيفضل لك فعلا مش مش هتعرف تجمع السورة. لكن

الضعيف ده بيدي لك معاني كتير جدا. فمن - [00:47:43](#)

كريمة اللي احيانا بعض طلبة العلم الجداد اللي هو مش فاهم يقول لك يلا بقى امسك بقى ايه امسك ابن كثير يلا نخطه على مناهج

المحدثين صحيح ضعيف صحيح ضعيف يلا بنا - [00:48:03](#)

غير الضعيف واختصره لي. على الصحيح بس. ان شاء الله هيطلع قد مش هيطلع بحاجة. فدي جريمة في التعامل مع التفسير لان

هي بتحرم المتلقي ان هو يستمتع بالتفسير. لان الضعيف بيبيديني. ليه ليه تشيله - [00:48:13](#)

سيمو احنا هنقول امتى نشيله كمان شوية بس انا بديك التيكه ديت. بيقول لان الغالب عليها المراسيم. المراسيم يعني ايه مش

عايزين نلف ونتصال قوي في الكلام ده؟ بس هو عايز يقول - [00:48:32](#)

كتير جدا من اسانيد اصلا منقطعة. مش موصولة. آآ فلان ما قابلش فلان. فلان بيروي عن فلان اللي هو اصلا ما شافوش. عادي. عادي.

الحاجات دي في الحديس العادي في الفقه ان بلاش. يقول له يا جدع عايز مرسل ده عايز مقاطع دمه معضل مش هيقبلها. لكن في

التفسير اقول لك مش مشكلة - [00:48:42](#)

تمام طيب هو طبعا هيقول كلام ايه كتير آآ هناخد منه لقطات بس وبعد كده طبعا بعد ما قال الكلام جاب ايه؟ قال هنجيب لكم حنة

من بحس. قال طبعا كلام صعب جدا شوية. ده خارج اه كلام شوية. يعني قال كلام تقيل شوية مش - [00:49:02](#)

المهم مش ده مش مش التركيز بتاعنا على الكلام هو قال كلام يعني مستواه عالي شوية. فمممكن يتقرا يعني من اول ما قال ايه وقفت

على رسالة علمية سجلت في هذا الموضوع وقال - [00:49:23](#)

كلام تقيل شوية بس انا هاخذ منه فقرات بس هاخذ منه فقرات. بص هو ايه في صفحة اربعين هتلاقي نمرة اثنين قبل نمرة اثنين

بيقول وذلك ان العبرة عندهم بالمعاني ودلالة. لذا فانه يقبل المعنى - [00:49:33](#)

الصحيح وان كان الناقل ضعيفا. لذا فربما رجح الرأي المنقول بالاسناد الضعيف على الرأي المنقول بالاسناد فاضل ايه؟ الصحيح عادي

والمقصود ان الاسناد بالنسبة له كان غير معني اصلا بالنظر والايه؟ والتحقيق. طيب تروح لي على اربعة صفحة واحد واربعين -

[00:49:54](#)

بيقول ان من تشدد في نقد اساليب التفسير فان النتيجة التي سيصل اليها ان كثيرا من روايات التفسير ضعيفة. فاذا اعتمد

الصحيح واقترح الضعيف ان الحويلة اننا لا لا نجد للسلف الا تفسيرا قليلا. تمام؟ بص في نمرة خمسة بيقول ايه؟ اذ التفسير ان

التفسير - [00:50:17](#)

مقاييس يعرف بها عدم مقاييس الجرح والتعديل. اذن التفسير يرتبط ببيان الايه؟ دايمًا حط تحت كام دي الف سطر. يرتبط ببيان

المعنى. وادراك المعنى يحصل من غير جهة الحكم على الاسناد. يعني الاسناد ما يهمني لما اسبت المعنى - [00:50:37](#)

اي حد لو قال لي اي كلام في الاية مقبول هاخذه منه. ولو ما عرفتش اصلا هو جاييه منين. هو لو قاله ونسبه لنفسه حتى. مش

هاخذه منه طب نسبوا المجهول هاخذه منه برضو. يعني ما يهمني الكلام على السند طالما بيكلمني في معاني مقبولة. متسقة مع

لغة العرب. متسقة مع السياق. ما - [00:50:53](#)

ما هدمتش اقوال السلف خلاص كلام مقبول. فاكربن لما قلنا امتى ينفع تقول قول في التفسير ما قالوش السلف اذا كان موافق للغة.

موافق للسياق لا يأتي على اقوال السلف بالايه؟ بالبطان. طب انا سمعت قول كده وحلو - [00:51:12](#)

ما لوش سند. اهل. كويس. صح؟ عشان كده بيقول بيان المعاني. فديت مش محتاجة ان انا ابص في الايه؟ ابص في الاسانيد. لذا

فان عرض التفسير على مجموعة من الاصول تبين صحيح وضعيفي كنز في السياق والنز في اللغة. اه بيقول بقى هو ايه الاصول
اللي بقول بيها التفسير صح ولا غلط مش السند - [00:51:31](#)

بيقول في اصول تانية كان نز في الايه؟ في السياق. لو هو مصادم للسياق مش هقبله والنظر في اللغة. لو هو مش موافق لغة العرب
برضو مش هقبله. والنز في عادات القرآن والنظر في السنة - [00:51:50](#)

يعني عادات القرآن الموضوع يطول بس هو عايز اقول ان هو لهم ايه؟ لهم طرق ان هم يقيموا به التفسير ده مقبول ولا مش مقبول؟
مش منها الاسناد. ما يهموش الاسناد. لان انا بتكلم في التفسير بيان معي - [00:52:06](#)

واضحة يا جماعة الكلام ده؟ طيب بيقول بعد كده اول صفحة اتنين واربعين الائمة تساهلوا في اخذ التفسير عنه لان ما فسروا به
الفاظه تشهد لهم لغات العرب كلام صحيح كلام كويس - [00:52:16](#)

ما تاخدوش ليه وانما عملهم في ذلك الجمع والتقريب. طبعاً اللي يقرأ في كتب السلف يدرك ذلك الطبري. اسانيد كثير ضعيفة جدا هو
الامام الطبري هو مش عارف ان هي ضعيف يعني. وبيستدل بها وقاعد يقول لك لا ده هو حطها كده وسابها للي بعده. لا. لا الامام
صبري كان كان بيرجح بها - [00:52:29](#)

ويرجح قول ضعيف ويدخلها في مناقشات عادي. يعني هو اعتمدها خلاص. مش سابها كده للزمن. لا ده اعتمدها وبيتكلم على
اساسها خلاص. فده منهجهم كده. طب كانوا يتشدوا اذا كان التفسير يدور حول الايه؟ حول المعاني. تمام؟ كذلك حتى في

الحديث ضيف يوردوه في التفسير عادي وتلاقي - [00:52:50](#)

خمس انواع في التخریج كاتب ضعيف عادي خده عادي طالما احنا بناخد من الحديث الايه؟ معاني لغة ثراء في المعنى. مش باخذ
احكام ولا عقائد. وبعد كده قال بقى ايه - [00:53:12](#)

اشهر اسانيد التفسير دي حجة زيادة صعوبة شوية مش لازم ايه؟ مش لازم تركز فيها قوي. طيب بيقول بعد كده اثار في التفسير يراد
احتجاج بها او اسبات دقائق الفاذاها. الله! هي دي بقى اللي عايزين نقول العكس بقى. اسار يتشد فيها. بص هو قال كلام بس انا
هختصر لك الكلام ده في حاجة - [00:53:26](#)

افيد لك. هنكتب واحد اتنين ثلاثة اربعة متى يتشد السلف في التفسير؟ في الاسانيد. متى يتشد السلف؟ في اساليب التفسير ادي
لنفسك مساحة عشان هنكتب شوية واحد اذا كان في الحلال والحرام - [00:53:46](#)

اتنين اذا كان في اسبات الغيبات ثلاثة اذا كان في اثبات سبب النزول. شفاها ديت هيبص الكلام بايه؟ بيركب مع بعضه اهو كل اللي
انا قلته دلوقتي انت ما فيش حاجة مفاجأة لغاية دلوقتي. الحلال والحرام. فيه اثبات العقائد. اكتب فيه اثبات العقائد عموماً -

[00:54:09](#)

تمام الغيبات اسباب النزول قلنا طيب اذا تعارضت التفاسير واحتجنا للترجيح فاكرب لما قلنا المرجحات لما التفسير السلفي يبقى
فيه خلاف تنوع وخلاف ايه؟ تضاد. طب خلاف تضاد يحتاج ان انا ارجح من المرجحات ايه - [00:54:41](#)

صحة السند. شف الكلام يتسق مع بعضه دلوقتي. يبقى امتى بتشد في السند؟ اذا تعارضت التفاسير واحتجت للايه للترجيح
تعرضت للتفسير واحتجت ان انا ايه ارجح. يبقى هبص ساعتها لصحة الايه؟ السند. سهلة دي؟ طيب نكمل. لو كان المروي -

[00:55:05](#)

في منكر لقيت تفسير عن السلف منكر كلام كلام غريب منكر. بص في السنة هتلاقيه ضعيف. لازم. مش ممكن واحد من السلف يقول
كلام زي ده. مسلاً ورد عن مجاهد - [00:55:28](#)

قال ان الله لم يمسخ اليهود قردة وخنازير على الحقيقة. وانما مسخهم مسخاً معنوياً وده مخالف لاجماع السلف لمسل هذا لو على
طول تروح باصص في الايه في السمن عادة هتلاقيه ضعيف - [00:55:43](#)

تمام اه او كان مسلاً التفسير ينصر بدعة نصر صريح ارجع للسند هتلاقيه ضعيف. لازم ينصر بدعة. بدعة خلاص متفق عليها ان هي
بدعة. مش مختلف مسلاً وبتاع. لا بدعة بدعة صريحة. ارجع على طول للايه؟ للسند. هتلاقي السند ايه؟ ضعيف - [00:55:59](#)

سهلش هنا انت هنا هتسبت بدعة تمام؟ عشان كده مسلا ابن كسير بص تعاملوا مع قوله تعالى ان كثير في العادة بيورد الاسانيد كده وخلاص ليه عداها؟ ما فيش حاجة. صح؟ ومرة واحدة تلاقيه سخن. مسك الاسانيد - [00:56:26](#)

نفضها. الله! هو انت ليه سخنت هنا؟ وسايب هنا؟ ركز هتلاقيه سخن في حنة فيها فيها حاجة غلط. فيها بدعة مسلا عايزك في قوله تعالى تقرا لما تروح في قوله تعالى انما وليكم الله ورسوله والذين امنوا الذين يقيمون الصلاة - [00:56:43](#)

ويؤتون الزكاة وهم راکعون اورد بقى احاديث اللي هي الشيعة حطوها ان هم قالوا ان الاية دي ما فيش حد عمل بها في العالم الا سيدنا علي ازاى يا عم الحاج؟ قال لك هو الوحيد اللي ايه؟ اللي هو تصدق وهو راکع - [00:57:03](#)

يؤتون الزكاة ومنها ايها الذين امنوا والذين يقيمون الصلاة ويؤتون الزكاة وهم ايه؟ هنا اصلا تفسير راکعون يعني ايه؟ يعني خاشعون. مش راکعون يعني راکعين ورد بقى ورواه فلان عن فلان ان رجلا مر علينا بطلبة وراك. فسأله صدقة اخرج الصدقة واعطاه اياه. وروى فلان عن فلان ان رجلا جاء للنبي عليه الصلاة والسلام وقال له فلان - [00:57:24](#)

تصدق علي قال من قال علي؟ قال كيف وجدته؟ قال وجدته وهو يراك. قال صدق فيه قول الله تعالى كذا وكذا. قعد ابن كسير بقى مسك الاسانيد نفضها وقال ده لا يصح وده مش عارف ايه وده وفلان ما قابلش فلان وفلان حد ممكن نفس الاسانيد دي كان بيستدل بها هي نفسها في مواطن تاني. يعني نفس السند اللي بيضعفه دلوقتي - [00:57:44](#)

هو نفس السند في مكان تاني بيقبله نفس السند في مكان تاني قبله. طب ليه هنا ليه هنا عملت معه كده؟ اه لا هنا كلام هنا بيايد مذهب الشيعة وبيستدلوا بالحديث دي على ان سيدنا علي بقى والولاية انما وليكم. يبقى هو ده ولينا. يبقى الباقيين ايه؟ اهو الوحيد اللي عيني بقى اللي تصدق وهو راکع - [00:58:04](#)

يبقى الباقيين وحشين ما هو عايز يوصل لكده ابن كسير مسك نفض الاسانيد وخرمها خالص. وقال لك ما فيش ولا يصح فيها شيء. وتك تك تك ليه؟ لان هنا في حاجة خلل. في اسباب بدعة - [00:58:28](#)

استمتع قوي بقى. الله اول مرة تفهم ان كثير عمل كده ليه؟ اديك واحدة واحدة بتفهم معي ان كثير ده بيعمل ايه. ليه ليه نفس السنة؟ انت سألت فيها؟ وليه نفس السنة اتشدت فيها؟ نفس - [00:58:44](#)

السند لان هنا كان معاني وهنا كان بدعة فاذا كان المروي منكر او خالف اجماع او خالف ايه؟ اجماع يتشد في الايه؟ في السند. او خالف لغة العرب ورد عن واحد من السلف كلام مخالف للمشهور من لغة العرب - [00:58:54](#)

غريب مش ممكن يكون قال كده راجع السنة. هتلاقيه ايه؟ اوت. ضعيف. تمام؟ عشان كده هنا بيقول لنا لما ايه؟ قال لنا الكلام ده كتبنا الكلام ده يا جماعة هو ده غالبا اغلب المجالات اللي ايه بيتكلموا فيها الاساليب. طبعا ممكن تضيف حنة صغيرة كده اذا كان في اثبات قراءة. اذا كان في اسباب قراءة تقول لي قراءتي - [00:59:18](#)

خلاص لأ ما هو زمان كانوا قراءة مش معروفة زي دلوقتي. كانوا بيسبئوها لسة. يعني ايام الطبري وكده. كانوا لسه القراءات ما استقرتش. كانوا لسه بيسبئوها. هل دي قراءة ولا مش قراءة - [00:59:38](#)

هو ده بقى خلاصة الكلام اللي قاله. مسلا المسال اللي قاله من لم يحكم بما انزل الله فاولئك الكافرون. دي ورد فيها عن ابن عباس كلام آآ يعني في احتمالات لفهمه - [00:59:48](#)

فهل هنا لازم نتشد في فهم الايه؟ في التفاسير. ابن عباس اختلف تفسيره في مسلا اية الحجاب. في بعض بعض الاسانيد قال حاجة وبعد بعض الروايات قال حاجة تانية خالص - [00:59:58](#)

حاج سعد. وهو نفس المفسر. وتعارضت الايه؟ التفاسير عنه. فهل هنا في الحالة دي لازم ننزل للايه؟ الصحة والضعف عشان اننا نحتاج لايه؟ ترجيح تمام؟ تمام. بعد كده بيقول لنا النظر في فهم الدراية - [01:00:12](#)

النظر في فهم الضرايب. يعني كلامها يطول بقى مش كده بص فهمي الدراية ده موضوع شيق جدا. احنا اتكلمنا النهاردة طيب خلينا بلاش نطول عشان ما يعني الكلام ما ينسبش بعضه. صحيح خلينا النهاردة - [01:00:32](#)

كثير خدنا ايه؟ راجعنا الدرس اللي فات بسرعة. خدنا اه فضائل السور والايات ايه المنهج فيها؟ تمام؟ اتكلمنا على آآ اسباب النزول

والمنهج فيها. ازاى السلة بيتعاملوا مع اسباب النزول؟ منهجهم في الحكم آآ الصحيح بيتشددوا طبعا في الصحة فيها. وازاي -

[01:00:50](#)

نمشي في خطوات اعرف بها سبب النزول الحقيقي من سبب النزول الغير صريح والكلام ده. بعد كده اتكلمنا على الروايات منهج السلف طبعا مع الروايات التفسير اتكلمنا على المجالات التي لا يتشددون فيها عند التفسير. والمجالات التي يتشددون فيها عند الايه؟

عند الكلام - [01:01:10](#)

على التفسير مثلا نعطي مثال اخير على التجديد موضوع التفسير ده ورد عن ابن عباس رضي الله عنه وارضاه في قوله تعالى آآ وسع كرسيه السماوات والارض. وراء ابن عباس قال الكرسي هو موضع قدم الرب - [01:01:30](#)

وقال ابن عباس الكرسي العلم طبعا هنا عندك مشكلة كبيرة والكرسي موضع قدم الرب ده موضوع انك تفسر كرسيه لانه العلم يبقى انت بتلغي ليه؟ بتلغي التفسير الثاني. يبقى هنا لازم احتاج للنزول في الايه؟ في اساليب. التفسير الثاني ده ضعيف - [01:01:48](#) التفسير الاول هو الايه؟ هو الصحيح. عشان كده تجد المفسر لما تيجي ابن كسير يأتي في الحقة دي هيناقش الاسانيد ما تستغربش ما تقولش الله ما هو نفس السند ده اللي بتنقل منه قول ابن عباس ان الكرسي والعلم عديته في موطن تانية. ما ناقشتوش -

[01:02:13](#)

لأ هنا في اسباب عقائد هي دي حسبة صفة هل في كرسي حقيقي؟ حسبت قدم الرب موضع قدم الرب يبقى الرب له قدم. ما لازم لازم نتناقش. هتلاقي ابن كسير يتكلم هنا في السند. صحيح ضعيف وقعد يناقش يناقش الرواية - [01:02:31](#)

يناقش الطريق ده قابل ده وما قابلش ده ضعيف ده صحيح عشان يخلص في النهاية ان قول ابن عباس ده مش صح. ان القول

الصحيح السابت عنه هو لان الايه - [01:02:51](#)

ان الكرسي هو موضع ايه؟ موضع اخويا المربع. انا بديك ايه؟ انت بدأت تنور شوية. شف بقى لو انا اكمل مع بعض بس شوية كده

هتلاقي الدنيا جميلة بقى في اخر - [01:03:01](#)

الكتاب ده يعني هتحمده ربنا سبحانه وتعالى انك انت ايه ان انت وصلت المستوى دوت للفن. نصبر مع بعض ان شاء الله هناخد المرة

الجاية بقى كلام رائع جدا في - [01:03:11](#)

موضوع الايه؟ الدراية. الاقوال بقى اللي اتقالت ديت هتعامل معها ازاى؟ وايه انواع اساليب التفسير عند السلف؟ يعني ايه التفسير بالمطابق؟ يعني ايه التفسير بالمعنى؟ يعني ايه التفسير كتير باللائم. يعني ايه التفسير بجزء من المعنى؟ يعني ايه التفسير بالمثال؟

حاجات رائعة جدا هتستمتع لما تعرف. جزاكم الله خيرا. سبحانه اللهم ربنا وبحمدك اشهد ان لا - [01:03:21](#)

- [01:03:41](#)